

讀史方輿紀要

辛丑仲秋

安師題簽

江西方輿紀要序

江西之有九江也。險在門戶間者也。此夫人而知之也。江西之有贛州也。險在堂奧間者也。此夫人而知之也。棄門戶而不守者。敗爭門戶之間。而不知堂奧之乘吾後者。敗棄堂奧而不事者。敗爭堂奧之內。而不知門戶之搖吾虛者。敗。然則重門戶而固堂奧。遂可以必不至於敗乎。曰。不能。何以知其然也。重門戶。人知我之事。事門戶也。強鄰厭吾西。勁敵扼吾東。欲於門戶之外。闢方寸之地。而不可得。則門戶爲無用矣。固堂奧。人知我之事。事堂奧也。牆垣溝池。可以阻寇之來。而寇亦卽限我於牆垣溝池之內。甚且或伺其旁。或乘其隙。堂奧可終恃乎。且以十萬之衆。萃於江沱。以十萬之衆。屯於嶺下。自大庾至潯陽。南北懸絕。千八百有餘里。而饒信諸州。以東袁吉諸州以西。敵來之路。凡十餘處。四面拮据。必有一懈。懈則敵乘之而入矣。且夫轉輸則農業廢。救援則兵力疲。陸行病於沮澤之多。水行苦於灘險之遠。敵縱未入吾境。而我先坐困。猶謂江西之地。可以坐保一隅而無患哉。然則戰乎。曰。以九江戰。則踟躕於水濱。以贛州戰。則崎嶇於山谷。戰未可以必勝也。然則何取於江西。曰。以江西守。不如以江西戰。戰於江西之境內。不如戰於江西之境外。何以知其然也。從來善用兵者。如風如雨。如雷如霆。如猛獸之發。如鷙鳥之擊。而後可言戰。敵人備武昌。我則攻皖口。敵人備皖口。我則攻武昌。我方攻武昌。皖口之防未密。我卽下皖口。我方攻皖口。武昌之備必疎。我卽下武昌。事在金陵。則不攻武昌。不攻皖口。而疾捲金陵可也。不然。出淮東以震山左。出淮西以動中州可也。或沿江而下乎。或派江而上乎。或逾

江而北乎。我之所攻者一敵之所備者十敵必不能以備我矣。然則江西遂棄不守乎。曰非不守也。守易而戰難。以九江贛州城高池深。苟得其人。雖疲兵敗甲。猶可守也。次則袁州廣信。各留數千人守之。與南昌互爲形援足矣。且我方提兵四出。橫行中原。敵必心懾氣沮。未暇爲潛師入境之謀。卽或有之。吾平日之節制。尙足以維持於不敗。甚而敗焉。吾得淮南山左之一郡。不以易江西之全壤也。且與其以守失之。毋甯以戰失之。向使舉一二千里之地。數十萬之人。而束戈戟刃。置之於無所用。如趙括之於長平。馬謖之於街亭。求與敵一戰而死。亦不可得。不亦哀哉。然則可戰之勢。獨在九江乎。曰然。自昔用九江者。其成其敗。亦燦著矣。吾獨怪劉宋之子。勛其舉事於江州也。亦既有四方之全勢。而卒死於江州。則子勛幼穉。鄧琬庸下之過也。近時陳友諒之用江州也。吾滋惑焉。友諒以徐壽輝之欲遷隆興爲非策也。旣殺壽輝。遂都江州。當其初忿睚暴橫。氣吞江東。似乎知用上流之勢。卽師徒再喪。西據武昌。亦未爲失計。何以舉軍而東。不爭江州。而爭洪都。自速其亡也。使友諒疾擊江州。東扼湖口。洪都必震。更或順流直下。徑襲安慶。吾意是時。安慶方恃江州之蔽。備必稍怠。襲之可得也。旣得安慶。江州友諒故都。爾翻城相應。事所宜有。洪都之去金陵千五百餘里。道路懸隔。勢不相救。不且爲友諒囊中物哉。計不出此。乃以舟師悉指洪都。前有堅城之拒。後有湖口之隘。使我得從容赴救。一戰而斃之。兵法師雖深入。還道宜利。友諒固未之前聞也。或曰洪都鄰接武昌。友諒攻之。似爲肘腋慮。使友諒旣東。洪都舉軍而踰脩水。越西塞以爭武昌。奈何。曰吾又知其不然也。自洪都以西。道皆僻遠。勢未易達。友諒雖東。武

昌其根本之地守亦必嚴。且友諒既長驅江上，兵力雄盛，爲洪都者亦自固不暇。何暇攻武昌哉？曰：贛州於南昌如何？曰：贛州又非九江比也。震濠以南昌之衆奪南康、九江，疾趨而東是也。使不攻安慶，竟掩金陵，王守仁雖舉勤王之兵，自吉安而北，復南昌，向九江，而濠之勢已成，天下向背正未可知。幸天奪其魄，周章狼戾，一至此也。然則贛州於南昌，有時可以不慮，南昌於江西，有時可以不守。贛州有變，固守南昌以拒之可也。甚則急扼湖口，力固尋陽，使不得軼出於大江，而後圖所以制之可也。昔華歆以豫章敗於孫策，何無忌以豫章敗於徐道覆？操師乞以豫章敗於劉子翊，林士宏以豫章敗於蕭銑，鍾匡時以洪州敗於秦裴，南昌不必爲險固之地也。林士宏失豫章，而保餘干，恃彭蠡之阻也。又棄餘干而保虔州，恃贛州之險也。然贛州自守或易，攻人亦難。五代盧光稠據虔州，而事中朝，支吾不過數年。及譚全播之時，卒并於淮南矣。徐道覆出南康而北，陳霸先出南康而北，蕭勃之衆亦出南康而北，時勢各殊，成敗迥異，未可同日語也。王守仁之出贛州，亦時勢宜然。論者不察，謂贛州與南昌有不兩存之勢，嗚呼！何其暗於大計哉？惟九江在江西，誠爲噤吭之地，自三國迄今，從北而南，未有不得尋陽，而可以圖洪州者。明太祖一克江州，而隆興以南，望風歛附。陳友諒越江州而攻洪都，一敗而不復振矣。嗚呼！知贛州之可不慮，而後可以用南昌也；知南昌之可不守，而後可以用江西也；知用江西者，不徒戰守於贛州、九江之間，而後可以有事於天下。嗚呼！可不鑒哉！

讀史方輿紀要卷八十三

常熟顧祖禹景范輯著

江西一

禹貢曰揚州周職方亦曰東南惟揚州

詳見江南春秋時爲吳楚之交戰國時屬楚其在天文分野也秦并天下

屬九江郡漢武置十三州此亦爲揚州地後漢因之三國時爲吳地晉初亦屬揚州後割荆揚二州地增置江

州

宋志思帝元康元年始置江州領十郡治豫章成帝咸康六年移治尋陽通釋惠帝始置江州傅綽爲刺史治武昌是江州初置於武昌其後或移豫章又移尋陽也

宋以後因之隋仍屬揚

州大業末爲蕭銑及林士宏所據唐分十道此屬江南道開元中分置江南西道

治洪州今境內州郡悉屬焉

唐末併於淮

南後屬於南唐宋屬江南路天聖中亦分爲江南西路

仍治洪州紹興初嘗移治江州尋復舊

元置江西等處行中書省

至元十四年置

十五年移省於贛州明年復還龍興

後陳友諒竊據其地明初平之洪武九年置江西等處承宣布政使司領

十七年并入福建行省十九年復故

府十三屬州一屬縣七十七總爲里九千九百五十六里有奇夏秋二稅約二百六十一萬六千三百六十九石有奇而衛所參列其間今仍爲江西布政

使司

南昌府

屬州一縣七

南昌縣

附郭

新建縣

附郭

豐城縣

進賢縣

奉新縣

靖安縣

武甯縣

甯州

瑞州府

屬縣三

高安縣

附郭

上高縣

新昌縣

南康府

屬縣四

星子縣

附郭

都昌縣

建昌縣

安義縣

九江府

屬縣五

德化縣

附郭

德安縣

瑞昌縣

湖口縣

彭澤縣

饒州府

屬縣七

鄱陽縣

附郭

餘干縣

浮梁縣

樂平縣

德興縣

安仁縣

萬年縣

廣信府

屬縣七

上饒縣

附郭

玉山縣

弋陽縣

貴溪縣

鉛山縣

永豐縣

興安縣

建昌府

屬縣五

南城縣

附郭

南豐縣

新城縣

廣昌縣

瀘溪縣

撫州府

屬縣六

臨川縣

附郭

崇仁縣

金谿縣

宜黃縣

樂安縣

東鄉縣

吉安府

屬縣九

廬陵縣附郭 泰和縣 吉水縣 永豐縣 安福縣 龍泉縣 萬安縣 永新縣

永甯縣

臨江府屬縣四

清江縣附郭 新淦縣 新喻縣 峽江縣

袁州府屬縣四

宜春縣附郭 分宜縣 萍鄉縣 萬載縣

贛州府屬縣十二

贛縣附郭 零都縣 信豐縣 興國縣 會昌縣 安遠縣 甯都縣 瑞金縣

龍南縣 石城縣 定南縣 長甯縣

南安府屬縣四

大庾縣附郭 南康縣 上猶縣 崇義縣

東通浙閩。廣信府東與浙江衢州府接界。南與福建建甯府接界。而建昌贛州亦皆與閩之邵武汀州爲鄰。南盡大庾。大庾嶺以南卽廣東境。今南安府南六十里至大庾之嶺。又六十里至廣東之南雄府二郡。蓋分

據嶺之南北。

西連荆楚 九江南昌袁州吉安南安諸郡皆與湖廣接界

北至大江 大江橫互於九江府北廣二十里江之北岸西入黃蘄東接安慶大江實爲之限

其名山則有廬山 廬山在南康府西北二十里九江府南二十里高二千三百六十丈周二百五十里疊嶂

九層川流九派禹貢過九江

此九江謂湖廣洞庭湖

至敷淺原說者謂廬山高而其中原田連互卽敷淺原矣史記太

史公南登廬山觀禹所疏九江名山記山南濱宮亭湖北對小江山去小江三十餘里其大嶺凡七重圓基

周迴垂三百里豫章古今志山本名南嶂

亦曰障山俗又譌爲天十都天子障

殷周時有匡俗兄弟七人結廬於此故曰廬

山

俗字君平一作匡續字子孝秦漢間人或謂之靖廬山亦曰輔山相傳周武王時有方輔先生於此山得道仙去惟廬存因名世皆謂匡俗所居亦曰匡山亦曰匡廬亦曰匡阜亦曰康廬圖經云宋開寶中避太祖諱更匡山爲康山道書爲漢廬江郡之名本此又漢祀典以廬山貳於潯嶽郡縣志漢武封廬山神爲蓋

第十八洞天第三十六福地

漢廬江郡之名本此又漢祀典以廬山貳於潯嶽南極大明公俗號廬君

南方巨鎮也梁天監初江州刺史陳伯之起兵尋陽其長史程元冲失職家居因聚衆襲攻伯之不勝逃入

廬山唐六典廬山江南道名山之一也今峯巖洞壑在南康界者不可悉數而最著者曰五老峯

府北三十里石山骨

時突元凌霄如五老人

石鏡峯

府西二

紫霄峯

府北二十五里一名

凌霄峯

府北四

鐵船峯

府西北二

漢陽

峯漢陽峯者在廬山絕頂望數百里極目江漢故名也

一名漢王峯相傳漢武曾登此

漢陽峯之水西流爲康王谷之谷簾

泉

谷在府西三十五里相傳秦并六國時有楚康王者逃難谷中因名水流爲谷簾泉其水如簾布巖而下凡三十餘派

東流爲開先寺之雙瀑

寺在府西十五里廬山麓本梁昭明太子

棲隱處南唐主李璟建寺

李白云掛流三百丈噴壑數十里是也廬山之南瀑布以十數而開先之雙瀑爲最勝五老峯

下爲樓賢谷府北十五里唐貞元中李渤隱於此因名其西爲三峽澗澗受大小支流九十九派水行石間聲如雷霆擬於三峽

之險相近曰白鹿洞亦李渤與兄涉隱處南唐昇元中建學館於其下石晉天福五年南唐昇元四年也時遣宦者祭廬山學館蓋建於是時宋時爲白

鹿書院郡志白鹿在水簾泉山澗中書院在五老峯下相去十餘里又有白雲洞在府西四十里山頂上南唐王李璟嘗遊此原曰栗里原在府西三十六

里爲晉陶潛隱居處此南康之勝也其在九江界者曰雙劍峯在府南五十里形勢插天宛如雙劍蓮花峯府東南三十里香鑪峯府

南五十里峯形圓聳南有巨石卓立一名石人峯府南七十里石耳峯有二峯並聳大林峯府西南五十里相近上霄峯上霄源亦在廬山絕頂

有石室相傳大禹石刻藏其中又有石梁瀑布秦始皇嘗登其上謂與霄漢相接也志云峯有秦皇漢武刻又太史公嘗登此蓋卽南康府之紫霄峯

又石門在廬山西南雙闕壁立千仞瀑布出其中山疏云石門者山之天池鐵船二峯對峙如門也慧遠詩

序略云石門一名障山雙闕對峙其前重巖映帶其後七嶺之美蘊奇於此周景式云石門澗水出康王谷

谷東北去府六十里吐源深遠爲衆泉之宗每夏霖秋潦轉石發樹動數十里此九江之盛也廣記云廬山三面阻水

西臨大陸爲羣山所奔輳山無主峯蜿蜒蟬連指列調敷各自爲勝濱湖距江回環垂五百里亦嘗爲盜賊

藪正德中廬山左湖湓塘賊作亂指揮周憲討平之山藪藏厪由來舊矣

懷玉 懷玉山在廣信府玉山縣北百四十里高四百餘丈盤互饒信衢三郡當吳楚閩越之交爲東南望鎮

一名輝山相傳山有異光夜燭也縣舊置輝山驛以此唐賈耽華夷圖懷玉山上與雲際勢連北斗又名玉斗山循山

之麓升降凡十有五里至大洋坂地寬廣約數百畝而奇峯峻嶺怪石深池環列於前後左右仙靈之窟宅

志云山有龍潭一十八澌又有二十四奇曰玉瑯峯銀尖峯獅子峯石牛峯雲蓋峯天門峯飛泉峯屏風峯蟠龍岡金雞墩洗墨池望香墩七盤嶺九蓮池誓坡石浴佛池彩霞巖過雲洞連理木天聖松金剛巖石鼓山羅漢峯志山之水西出則入於江東出則入於淞蓋江淞山水之宗也李翱南來錄自常山至玉山初巖俱稱絕勝

八十里陸道謂之玉山嶺自玉山至鄱陽七百有十里順流謂之高溪又有三清山志云與懷玉並名勝志山

高七百餘丈周迴二百餘里江淞之水蓋源於此蓋懷玉之支峯而異名者也

其大川則有九江九江卽大江也在九江府城北其上流自湖廣興國州東流入瑞昌縣界又東南流北岸

爲湖廣黃梅縣之新開口鎮東南流六十里經府城東北之潯陽驛又六十里爲湖口縣之彭蠡驛又東北

六十里爲彭澤縣之龍城驛又百十里卽江南望江縣之雷港驛也亦曰潯陽江蓋大江之隨地易名耳禹

貢九江孔殷又曰過九江蓋今之洞庭湖而說者以爲在潯陽司馬遷曰余南登廬山觀禹疏九江淮南王

安曰禹鑿江而通九路班固曰九江在潯陽南東合大江應劭曰江自廬江潯陽分而爲九鄭元曰江至潯

陽分爲九道郭璞江賦源二分於嶠嶽流九派於潯陽潯陽地記禹疏九江一烏白江二犇江三烏江四嘉

靡江五畎江六源江一作沙源江七廩江八隄江九箇江箇一作箇張須元緣江圖云一三里江二五州江三嘉靡江

四烏土江五白犇江六白烏江七箇江八沙提江九廩江參差隨水短長或百里或五十里始於鄂陵終於

江口會於桑落洲張僧監曰九江一名白馬江去州五里是大禹所鑿九江分流三百餘里至桑落洲合流

孔穎達曰大江分爲九江猶大河分爲九河賈耽曰江有八洲與江爲九宋白曰九江在江州西北二十五

里晁公武曰九江一水而名九者猶太湖一湖而名五湖昭餘祁一澤而名九澤耳又劉歆言九江者湖漢

九水入彭蠡澤也

湖漢水即今貢水

酈道元則云自沔口以下有湖口水加湖江水武口水烏石水舉水巴水希水

斯水利水皆南流注於江皆可傳合九江之說宋曾氏云豫章之川如彭水

即今章水

鄱水塗水之類凡九合於

湖漢東至彭蠡入江九江之名或取諸此蓋傳疑久矣今府治後百餘步有庾公樓其磯石突出江千百許

步爲岷嶓以下滔滔東流之少駐自六朝以來州常爲中流雄鎮得其人守之未易越潯陽一步也至於江

中洲嶼節節有之自舟行附南岸者謂之內路附北岸者謂之外路宋晉安王子勛將劉胡自鵲尾

見江南甯國府

敗還潯陽於江外夜趨沔口蒼梧王初以黃門郎王英鎮夏口恐過潯陽爲桂陽王休範所劫留使自太子

湓竟去

太子湓見湖廣黃梅縣

蓋卽江外趨沔口之路今江防之設始自尋陽蓋大江越梁荆而來小水附入者益多

波流衍溢泛濫縱橫且東近金陵風帆易達故爲備不可緩也

贛水

贛水亦曰南江其上流分二源西出者爲章水東出者爲貢水志云章水出湖廣郴州南三十五里之

黃岑山自宜章縣流入南安府崇義縣界經聶都山漢志謂之彭水

漢志注彭水出豫章南墊縣東入湖漢水是也

又東經府城南

亦謂之橫江亦謂之橫浦東北流經南康縣城南亦謂之芙蓉江又東北經贛州府城西環城而北會於貢

水貢水出福建汀州府西六十里新路嶺流入贛州府瑞金縣界經縣南漢志謂之湖漢水又西經會昌縣

北謂之湘洪水又北達雩都縣西而府東北甯都石城二縣之水府南安遠龍南信豐三縣之水又北興國

縣之水皆匯焉西北流至府城東環城而北會於章水始名爲贛水漢時亦謂之領水淮南王安上書言越人入中國必下領水領水之山峻峭漂石破舟不可以大船載糧下也亦謂之大庾嶠水

庾仲初云大庾嶠水北入豫章注於

江卽以其自南而北通謂之南江梁末陳霸先起義師討侯景軍於南康尋自江南出湓口會王僧辨之師

又自南康至豫章其地皆謂之南川陳初臨川周迪欲自據南川是也從贛城北至吉安府萬安縣江中有

一十八灘謂之贛石

舊志虔州城至萬安縣凡一百八十里一云贛石之險凡三百里

五代梁貞明四年楊吳遣兵擊譚全播於贛州時嚴

可求以厚利募贛石水工故吳兵奄至城下虔人始覺又東北經泰和縣至府城南折而北遶吉水縣城西

而東北流亦謂之吉水入臨江府峽江縣界經縣城南亦謂之峽江又東北經新淦縣城西又東北經府城

南亦謂之清江又東歷樟橫鎮入南昌府豐城縣界經縣城西北而至府城西亦謂之章江繞城而流廣十

里度江之北曰石頭口又東北流入於鄱湖北出九江府湖口縣西而入於江唐十道志江南大川一曰贛

水自南昌以南諸郡之水悉流合於贛水而委輸於鄱湖地勢南高而北下上流之重恆在南方故嶺嶠發

難贛江上下千里之間皆爲戰地振古如茲矣

鄱陽湖 鄱陽湖卽彭蠡湖在南昌府東北一百五十里饒州府西四十里南康府城東五里九江府東南九

十里周迴四百五十里浸四郡之境禹貢彭蠡既豬史記吳起曰三苗之國左洞庭右彭蠡又漢武帝浮江

出樅陽過彭蠡

樅陽見江南桐城縣

後亦謂之揚瀾左里晉末劉裕破盧循於左里卽彭蠡湖口也

今南康府都昌縣有左里城 水

經注贛水總納十川同湊一瀆注於彭蠡清潭遠漲綠波凝淨而匯注於江川自隋以前概謂之彭蠡煬帝時以鄱陽山所接兼有鄱陽之稱大業十二年劉子翊討鄱陽賊林士宏戰於彭蠡湖敗死唐十道志彭蠡江南之大川也六典曰彭蠡一名宮亭湖圖經鄱陽湖東至饒州餘干縣之康郎山西至新建縣之荷陂里南至進賢縣之北山北至南康府都昌縣其南入南昌界者則爲宮亭湖饒州志鄱陽湖收江饒衢徽之流會大江入海長三百里闊四十里有鴈泊小湖每春漲則與鄱江連接水縮則黃茅白葦曠如平野湖中之山其最大者曰康郎山在湖西南涯其近湖西北岸者曰鞋山曰大孤山又湖之西北近南昌南康之界有狹處謂之罌子口明初陳友諒攻洪都太祖赴救至湖口友諒聞之解圍東出與明師遇於鄱陽湖之康郎山友諒屢敗欲退保鞋山明師先至罌子口橫截湖面友諒不得出旣又移泊於左蠡截友諒於湖口友諒旋敗死混一海內之業肇於鄱陽一戰

其重險則有大庾嶺 大庾嶺在南安府西南二十五里廣東南雄府北六十里磅礴高聳爲五嶺之一水經注云漣溪山卽大庾嶺也秦始皇三十三年以謫徒五十萬戍五嶺大庾其第一塞之嶺又秦紀秦使屠睢將兵十萬守南楚之嶠謂此矣廣記大庾在五嶺最東亦名東嶠圖經云山延袤二百里上有橫浦關秦末趙佗欲據越檄告橫浦諸關曰盜兵且至急絕道聚兵自守者也及漢武帝時呂嘉反函封漢節至塞上塞上卽謂大庾使楊僕討之出豫章下橫浦蓋踰嶺而南也在秦時謂之塞上亦名塞嶺漢伐南越時有監軍庾姓

者城此故名大庾又漢志亦名爲臺嶺山以嶺上有石如臺也或以形如廩庾故謂之庾嶺又謂漢庾勝者

本梅鎔將爲漢守臺嶺築城嶺下因有大庾之名晉義熙六年徐道覆以劉裕方北伐南燕勸盧循乘虛襲

建康時循爲廣州刺史道覆爲始興相曰若裕平齊之後自將屯豫章遣諸將帥銳師過嶺恐君不能當也或謂之南康山

道覆謀爲亂先使人伐船材南康山中蓋嶺在南康郡境也梁太清末陳霸先爲始興太守起兵討侯景遣

其主帥杜僧明屯於嶺上霸先旋發始興至大庾隋開皇十年番禺黎帥王仲宣反圍廣州遣其黨據大庾

立九柵詔裴矩巡撫嶺南矩至嶺擊破之唐十道志江南名山曰大庾張九齡集云初嶺東廢路人苦峻極

志云東嶠古路在今安里之遊仙徑崎嶇磴确入踰六七里兩山對峙螺轉而上周圍九磴至頂而下又踰七里始平上有橫浦關此古入關之路開元四載冬俾使臣左拾遺內供

奉張九齡緣磴道披瀝叢相其山谷之宜革其坂險之故人始便之自九齡鑿新路後兩壁峭立中途坦夷

上多植梅因又名爲梅嶺一云本漢初梅鎔曾將兵至此故有梅嶺之名白居易云大庾多梅南枝旣落北枝始開是也僖宗時黃

巢入廣南高駢請帥重兵由大庾擊賊於廣州自五代後驛路又復荒遠室廬稀疏而梅嶺之名亦虛張九成謂

嶺並無梅蓋素燕已久也宋嘉祐八年蔡挺詳刑江西弟抗漕廣東乃商度工用陶土爲甃各鑿其境北路廣八尺長一

百零九丈南路廣一丈二尺長三百一十有五丈仍復夾道種松以休行旅遂成車馬之途又立關於嶺上

植柱揭名梅關以分江廣之兩界章穎詩云兩州南北護梅關盡日人行石壁間蓋實錄也景延元年叛將

呂師導等襲蒙古兵度梅嶺敗宋軍於南雄二年蒙古將塔出等復以步卒入大庾追二王旣而廣州復爲

宋有蒙古將李恆復以步騎由梅嶺襲廣州至清遠

今廣東廣州府屬縣

敗宋兵遂入廣州明初陸仲亨以贛州之師

踰大庾破韶州嶺誠噬喉要地矣又南安志大庾嶺東北爲白猿洞洞北爲梅關關側爲雲封寺俗名掛角

寺今祠張曲江於其處祠左有霹靂泉一名卓錫泉明初張以甯云庾嶺之嶺折而東有一峯甚奇秀稍下

平爲嫦娥嶂

新修嶺路記成化十五年郡守張弼病嶺路狹隘復謀開道凡巨石之扼路者火而斧之流泉之浸路者溝而分之土石之積者剔而平之螺轉之磴因其高下爲級一百二十餘長短參差

務適於平嶺路始爲寬平

輿程志南安南行六十里至大庾嶺上有紅梅關

郡志府至嶺二十五里又五里至南雄府紅梅舖

又南行六十里爲

南雄府城嶺據南北之咽喉爲戰守必爭之地今關有官軍戍守猶秦漢之舊跡也

湖口 湖口在九江府東六十里今爲湖口縣其地上據鐘石旁臨大江彭蠡之水匯章貢及贛川之流北注

於江湖口其委輸處也劉宋時置湖口戍齊東昏侯末蕭衍引兵東下前鋒鄧元起將至尋陽江州刺史陳

伯之退保湖口由齊梁至陳皆爲戍守重地唐武德五年安撫使李大亮以其衝要特置湖口鎮乾符五年

王仙芝餘黨王重隱陷洪州江西觀察使高湘奔湖口南唐始立縣蓋湖口之緩急江南之盛衰江南有事

欲保固江右則湖口不可以無備也或曰湖口卽古之鈎圻水經注贛水厯鈎圻邸閣下而後至彭澤劉宋

時南江運米皆積於鈎圻是也今江西之運凡四十餘萬石悉自湖以達於江所謂糧運資儲仰此氣息者

非乎且自皖口泝江西上則越小孤徑彭澤不待叩尋陽之城而直掩湖口江西已岌岌矣湖口於九江又

獨當東南一面之險也元至正十二年星吉復江州遣別將柵小孤山自據番陽口綴江西要衝以圖恢復

既而爲賊所敗鄱陽蓋卽湖口云 按江西地當吳楚閩越之交險阻既分形勢自弱安危輕重常視四方然規其大略本非無事之國也是故九江雄據上游水陸形便足以指領東西非特保有湖濱而已南贛爲南方藩屏汀漳雄韶諸山會爲連州跨郡林谷茂密盜賊之興斯爲淵藪故設重臣臨之豈徒扼閩嶺之襟喉哉抑且臨南昌之項背矣九江南昌皆與湖廣連壤而袁州逼近長沙通民客戶頗難譏察自吉安以南益與郴桂相比稱巖險焉饒州東北與新安相錯而廣信東通衢婺爲江浙之門戶其南則路入建甯又江閩之津梁也建昌與閩亦爲鄰境而驛驛之患視廣信爲稍殺焉夫廬阜爲之山彭蠡爲之澤襟江帶湖控荆引越形勝有由來矣

讀史方輿紀要卷八十四

江西二

南昌府

東北至饒州府二百四十里東南至撫州府二百四十里南至臨江府二百七十里西南至瑞州府二百七十里西至湖廣平江縣五百五十里西北至湖廣武昌府一千里北至南康府二百六十里自府治至

京師四千一百七十五里

禹貢揚州地春秋戰國時並屬楚秦屬九江郡漢改九江爲淮南國而分置豫章郡吳芮王

長沙兼得其地文帝後七年地入於漢

據漢紀景帝初議削吳豫章會稽郡則豫章吳地或曰南境屬長沙也

後漢亦爲豫章郡三國吳因之

晉初仍舊元康初置江州治焉

後移治潯陽詳見州域形勢下

宋齊以後並爲豫章郡隋平陳廢郡置洪州煬帝復改爲

豫章郡唐武德五年平林士宏復爲洪州

置總管府八年改爲都督府

天寶初曰豫章郡

至德初以代宗在東官諱豫止稱章郡

乾元初復

曰洪州

有南昌軍乾元二年置元和六年廢又建中以後置江南西道觀察使治此咸通六年升爲鎮南軍節度

五代初屬於淮南

亦曰鎮南軍

周顯德六年南唐升

爲南昌府建南都

時交泰二年也宋建隆元年李璟遷都此子煜仍還金陵

宋復曰洪州

亦曰鎮南軍天聖八年以後江南西路治此

隆興三年升隆興府

宗潛邸也

元至元十四年改府爲路二十一年曰龍興路明初曰洪都府尋爲南昌府今領州一縣七府包絡

江湖左右吳楚東南一都會也

春秋時吳楚相攻必有事於豫章鄺道元曰左傳昭七年楚令尹子蕩伐吳師於豫章卽此地也夫江湖沮洳春秋時舟楫便利未遑今日吳楚所爭實

在淮漢之間鄺氏之言非篤論矣

自漢高建郡以來常爲控扼之地後漢末許劭謂劉繇曰豫章北連豫壤西接荊州形勝

之處也繇不能用坐并於江東東晉之末盧循自嶺外入犯道出豫章江州刺史何無忌自尋陽引兵拒之

長史鄧潛之諫曰國家安危在此一舉聞循兵船大盛勢居上流宜決南塘守二城以待之

二城胡氏曰謂豫章尋陽也

此萬全策也無忌不聽與賊遇於豫章敗死賊乘勝東出建康震動陳氏締造之初蕭勃首發難於嶺外其

徒歐陽傾余孝頃者連兵而爭豫章非周文育力戰豫章必不守豫章不守霸先成敗之數未可知也隋之

亡也羣賊操師乞林士宏相繼據豫章蕭銑惡其逼也急取豫章以爲東藩唐李靖自荊楚而東先略豫章

庾嶺以北刻期盪平矣建中間曹王皐帥江西屢破賊兵於黃蘄間議者以南昌爲百粵上游三楚重輔豈

虛語哉淮南襲下洪州乃規鄂渚及南唐之衰以兩淮旣失金陵淺露上游完固莫若洪州於是有南都之

建然而南唐非真能用洪州者也宋之南也女真突入洪州蹂躪甚繼而羣盜李成等據江州有江淮湖

湘十餘郡又遣其黨馬進據筠州詔張俊討之以豫章介江湖間急趨之旣入城喜曰吾已得洪州破賊必